

而已。故至止觀正明觀法。竝以三千而爲指南。乃是終窮究竟極說。故序中云說已心中所行法門。良有以也。請尋讀者心無異緣。止五云。此十重觀法橫堅束微妙精巧。初則簡境眞僞。中則正助相添。後則安忍無著。意圓法巧。該括周備。規矩初心。將送行者到彼薩雲也。非閻證禪師誦文法師所能知也。蓋由如來積劫之所勸求道場之所妙悟。身子之所三請。法譬之所三說。正在茲乎。弘五云。遍於四教。十六門乃至八教。一期始終。今皆開顯。束入一乘。遍括諸教。備一實。若當分者。尚非偏教。教主所知。況復世間閻證者。蓋如來下稱歎也。十法既是法華所乘。是故還用法華文歎。迹說即指大通智勝佛時。以爲積劫。寂滅道場。以爲妙悟。若約本門。指我本行菩薩道時。以爲積劫。本成佛時。以爲妙悟。本迹二門。只是求悟。此之十法。身子等者。寂場欲說物機未宜。恐其墮苦更施方便。四十餘年種種調熟。至法華會。初略開權。動執生疑。慇懃三請。五千起去。方無枝葉。點示四一演五佛章。被上根人名爲法說。中根未解。猶怖譬喻。下根器劣。復待因緣。佛意聯綿。在茲十法。故十法文末。皆譬大車。今文所馮。意在於此。惑者未見。尙指華嚴。唯知華嚴圓頓之名。而昧彼部兼帶之說。全失法華絕待之意。貶挫妙教。獨顯之能。驗迹本二文。檢五時之說。圓極不